

Broj: 02-45-1078/24
Sarajevo, 13.08.2024.godine

PARLAMENT FEDERACIJE
BOSNE I HERCEGOVINE
ZASTUPNIČKI DOM
S A R A J E V O
N/r Gdin. Ivan Miličević, tajnik

Bosna i Hercegovina
Federacija Bosne i Hercegovine
PARLAMENT FEDERACIJE
S A R A J E V O

Primljeno: 22-08-2024			
Org. jed.	Broj	Priloga	Vrijednost
05/1	-02-	102	124

PREDMET: Odgovor, dostavlja se
VEZA: Vaš akt broj: 05/1-02-102/24 od 03.06.2024. godine

U svezi Vašeg akta, broj i datum veze, kojim je ovom ministarstvu na odgovor dostavljeno zastupničko pitanje gđina. Damira Nikšića, zastupnika u Zastupničkom domu Parlamenta Federacije Bosne i Hercegovine, koje se odnosi na pripremu Prednacrt zakona o logorašima, a koje je postavljeno na 11. redovitoj sjednici Zastupničkog doma, održanoj dana 28.05.2024. godine dostavljamo odgovor kako slijedi:

Rješenjem broj: 1767/2023 Vlade Federacije Bosne i Hercegovine o formiranju Interresorne radne grupe za pripremu teksta Prednacrt zakona o logorašima od 30.11.2023. godine za članove radne grupe određeni su predstavnici Federalnog ministarstva pravde, Federalnog ministarstva rada i socijalne politike i Federalnog ministarstva za pitanja branitelja i invalida domovinskog rata. Nakon imenovanja, radna grupa je održala nekoliko radnih sastanaka, međutim bez učešća predstavnika Federalnog ministarstva za pitanja branitelja i invalida domovinskog rata, koji se nije odazvao na upućene pozive za sudjelovanje u radu radne grupe, uslijed čega je službeni stav ovog ministarstva o Prednacrtu zakona o logorašima ostao nepoznat.

Federalno ministarstvo pravde upoznato je sa inicijativom za formiranje nove radne grupe za pripremanje predmetnog prednacrt koja je upućena od strane gđina. Amira Orlovića, izaslanika u Domu naroda Parlamenta Federacije Bosne i Hercegovine. U svezi sa ovom inicijativom, obavještavamo Vas da je u pripremi informacija za Vladu Federacije Bosne i Hercegovine u kojoj će se problematizirati pitanje obrađivača propisa o pravima logoraša, imajući u vidu da su člankom 7. stavak (1) Zakona o federalnim ministarstvima i drugim tijelima federalne uprave ("Službene novine Federacije BiH", br. 58/02, 19/03, 38/05, 02/06, 08/06, 61/06, 52/09 i 48/11) propisane sljedeće nadležnosti Federalnog ministarstva pravde:

Federalno ministarstvo pravde vrši upravne, stručne i druge poslove utvrđene zakonom koji se odnose na: ostvarivanje nadležnosti Federacije u oblastima, a naročito pravosudnih institucija i uprave; upravnog nadzora nad radom pravosudne

uprave i federalnih tijela uprave; pružanje pomoći u edukaciji sudaca i tužitelja; udruživanje u političke organizacije i udruženja građana; oblast kancelarijskog poslovanja; upravni nadzor i izvršenje krivičnih sankcija. Federalno ministarstvo pravde vrši upravne poslove koji ne spadaju u djelokrug drugog organa uprave Federacije. Ukoliko se pristupi formiranju nove interresorne radne grupe, Federalno ministarstvo pravde spremno je pružiti podršku njenom radu u okviru Zakonom propisanih nadležnosti.

U svezi sa pravima logoraša u Federaciji Bosne i Hercegovine ističemo da su logorašima – braniteljima određena prava priznata Zakonom o pravima razvojačenih branitelja i članova njihovih obitelji („Službene novine Federacije BiH“, br. 33/04, 56/05, 70/07, 09/10, 90/17, 29/22 i 60/24) , a logorašima – civilima Zakonom o zaštiti prava civilnih žrtava rata („Službene novine Federacije BiH“, broj 60/23). Federalno ministarstvo pravde ne raspolaže sa podatkom o broju osoba koje su uvedene u prava, imajući u vidu da je obrađivač Zakona o pravima branitelja i članova njihovih obitelji Federalno ministarstvo za pitanja branitelja i invalida domovinskog rata, a Zakona o zaštiti prava civilnih žrtava rata Federalno ministarstvo rada i socijalne politike.

S poštovanjem,



Dostavljeno:
1. Imenovanom,
2. a/a.